



UPA2015/113
4. maj 2015
Juliane Henningsen

Hjemme dialyse Nunatsinni atorreqarsinnaanersoq misissoqqullugu, tamannalu anguniarlugu Naalackersuisut kingusinnerpaamik UPA 2016-imut Inatsisartunut innersuussillutik saqqummiussassamik suliaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Mimi Karlsen, Inuit Ataqatigiinniit tartumikkut katsorsarneqarsinnaanngitsumik nappaatilinnut pingaarutilimmik qaqitaqarpoq, taakkuami dialyse atorlugu Danmarkimi katsorsarneqartariaqartarput.

Siunnersuut nunatsinni hjemmedialyse atorreqalersinnaaneranut tunngasunik Naalackersuisut misissuinissaannik, tamannalu ineriartornerup ilagiinnagaatut isigineqarsinnaavoq. Nunanimi allani angerlarsimaffigisami imminut ikiorluni ikiorneqarlunili, dialysemik katsorsarneq atugaajartuinnarmat.

Siora upernaakkut ataatsimiinnermi siunnersuut uunga assingusoq saqqummiunneqarpoq. Siunnersuut itigartinneqarpoq, iliuusissatut pilersaarusiornissaq Naalackersuisuusimasunit pisariaqartutut isigineqangimmat.

Siullermeerneqarneranili partiit isumaqatigiissutigaa arlaatigut pineqartut atugarissaarnerulernissaat aqqussiukkumallugu, inuiaqatigummi Danmarkimiiginnavissortariaqartarmata.

Ilaatigut eqqartorneqarpoq nunatsinnut angalasinnaanissamat periarfissat misissorneqarumaartut, Naalackersuisut ilisimatitsissutigimmassuk tartumikkut nappaatilinnut napparsimavissuarmi nakorsaaneq Rigshospitalimi nakorsat peqatigalugit periarfissarsiorniartut. Tamanna sumut killippa?

Immikkut aqqissuussiffiusumik tartumigut nappaateqarluni maani h-hjemmedialysemik ingerlatsisoq qanoq nalilersuivigineqarpa? Tamatumani misilittakkat Rigshospitalimillu suleqateqarneq nalilersorneqarneratigut siunissami pilersaarummik inerititaqartoqartariaqarpoq.

Naalackersuisut siunnersuut piviusunngussappat piumasaqaatinik sisamanik saqqummiussippat, taakunanngalu sulisoqarnikkut ilinniarluarsimasunik H-dialysemik suliaqarsinnaasunik, nakorsaq immikkut ilisimalik, peqqissaasoq immikkut ilisimasalik il. il. piumasaqaatinut ilaavoq. Arlaatigulli aallartittariaqarpugut. Piumasaqaatigineqartut allat pingasut misissorluaqqinneqarsinnaasutut isiginiartigit. Mimi Karlsen-ip misissueqqusinera akuersaarparput partiillu peqqissutsimut ataatsimiititaliaq peqquniarlissuk siunnersuut missoqqissaassagaat, minnerunngitsumillu ukiorpassuarni tartumikkut nappaateqarnertik pissutigalugu qanigisatik qimallugit Danmarkimiittariaqartut tusarnaarsimmaajumaaraat.